



REPUBLIKA E SHQIPËRISË

**INSPEKTORATI I LARTË I DEKLARIMIT DHE KONTROLLIT TË
PASURIVE DHE KONFLIKTIT TË INTERESAVE
INSPEKTORI I PËRGJITHSHËM**

Nr 2673 Prot.
1

Tiranë më, 2 .7 .2024

Lënda: Kthim përgjigje

Z. Fatmir XHAFAJ ✓
KRYETAR

KOMISIONI I POSAÇËM PARLAMENTAR
Adresa: Bulevardi "Dëshmorët e Kombit" Nr. 4

TIRANË

I nderuar Z. Xhafaj !

Në përgjigje të shkresës suaj nr. 2580 prot., datë 28.6.2024, ardhur dhe protokolluar më datë 1.7.2024, me lëndë "*Ftesë për bashkëpunim*", ju bëjmë me dije se:

Inspektorati i Lartë i Deklarimit dhe Kontrollit të Pasurive dhe Konfliktit të Interesave ka trajtuar me përparësi dhe në tërësi kërkesën e paraqitur prej Jush, duke vlerësuar qëllimin e iniciativës në drejtim të përmbushjes së detyrimeve në kuadër të proceseve reformuese dhe integruese në Bashkimin Evropian.

Inspektorati i Lartë, duke theksuar mbështetjen e vazhdueshme që Kuvendi i Shqipërisë i ka dhënë institucionit ndër vite, si në drejtim të forcimit të kuadrit ligjor, ashtu edhe në drejtim të rritjes së burimeve njerëzore e financiare, shpreh angazhimin për të bashkëpunuar në kuadër të përmbushjes së objektivave të përbashkët për sundimin e ligjit dhe luftën kundër korrupsionit.

Për sa më sipër, Inspektorati i Lartë cakton si përfaqësues të tij, për të marrë pjesë në grupet e ekspertëve:

- 1- Arbër Basholli me adresë kontakti abasholli@ildkpli.al
- 2- Adela Tagani me adresë kontakti atagani@ildkpli.al
- 3- Majlinda Thomaj me adresë kontakti mthomaj@ildkpli.al

Në lidhje me kërkesën tuaj, mbi paraqitjen e të dhënave dhe dokumentave të hartuar nga institucioni, Inspektorati i Lartë, në përmbushje të parashikimeve ligjore të nenit 39, të ligjit nr. 9049, datë 10.4.2003, *“Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publikë”*, i ndryshuar, në bazë vjetore ka hartuar Raportet e veprimtarisë, të cilët përmbajnë tregues të plotë të aktivitetit të institucionit, në fushat përkatëse të kompetencës.

Në këtë drejtim, Raportet Vjetore përmbajnë një analizë të plotë të përmbushjes së rekomandimeve të Kuvendit të Shqipërisë adresuar institucionit, realizimin e reformave të lidhura me procesin e anëtarësimit në Bashkimin Evropian, ushtrimin e kompetencave ligjore, për kontrollin e interesave privatë të të zgjedhurve dhe të disa nëpunësve publikë, në funksion të evidentimit, shmangies e parandalimit të konfliktit të interesave në ushtrimin e funksioneve publike, si dhe të monitorimit të sinjalizimeve.

Për më tepër, në Raportet Vjetore gjejmë pasqyrim prioritetet dhe sfidat për çdo vit pasardhës raportues, duke qenë dokumenta me të dhëna të vlefshme për procesin e analizimit dhe hartimit të një strategjie, për forcimin e mëtejshëm të institucionit.

Inspektorati i Lartë ka raportuar dhe është monitoruar nga partnerët kryesorë ndërkombëtarë, si Komisioni Evropian dhe/ose Këshilli i Evropës, me qëllim adresimin e rekomandimeve të tyre, në drejtim të procesit të integritetit Evropian.

Në këtë kuadër, si Komisioni Evropian në Raportet për Shqipërinë, ashtu edhe Këshilli i Evropës me instrumentin e GRECO, kanë vlerësuar progresin e vazhdueshëm të Inspektoratit të Lartë, në drejtim të përmbushjes së kompetencave ligjore dhe rritjes së kapaciteteve institucionale.

Megjithatë, Inspektorati i Lartë mbetet i angazhuar për të pasur prioritet të punës, përmbushjen e rekomandimeve të dala nga Raporti i Shqyrtimit Analitik për Shqipërinë, të publikuar nga Komisioni Evropian në korrik të vitit 2023, gjetjet dhe rekomandimet e të cilit, u finalizuan me miratimin e Udhërrëfyesit për Shtetin e së Drejtës, nëpërmjet VKM nr. 736, datë 13.12.2023, *“Për miratimin e Udhërrëfyesit për Shtetin e së Drejtës”*.

Për sa më sipër, Ju dërgojmë bashkëlidhur, në formë shkresore dhe elektronike, dokumentat e hartuar nga Inspektorati i Lartë me të dhëna të nevojshme për procesin e nisur nga Komisioni i Posaçëm.

Duke ju falenderuar për bashkëpunimin,

INSPEKTORI PËR GJITHSHËM

Evgjeni BASHARI

